

A painterly illustration of a young shepherd with dark hair and a beard, wearing a yellow tunic and a brown shawl. He holds a wooden staff in his right hand and reaches out with his left hand towards a small white lamb. The setting is a rocky, grassy hillside under a blue sky with white clouds.

MBOA A OFIR SOR

WATSON GOODMAN HYEHYCE

- KWA MA WODZE -
NCUNNCM

MBOA A OFIR SOR

Wɔayɛ “MBOA A OFIR SOR” kakraba ama eetum dze ahye wo ho na akenkan ber a erotweon hen. Wɔapa nsempon esisi hɔ na wɔahwehwɛ Nwoma Krɔnkrɔn no mu nsem ahorow ahyeheyɛ asempon kor biara ase. Wɔgye dzi de kyerewsem nkyerɛkyerɛmu nye Nwoma Krɔnkrɔn no ara.

Nyankopɔn N’Asɛm “fi sor” na ɔyɛ mboa kese ma akoma horow a tsenenee ho ɔkɔm na nsukɔm dze hɔn. Se obi nu noho na ɔpow bɔn, na ɔdze n’akoma nyina gye Ewuradze Jesus Christ N’Agyenkwa dzi a, Ewuradze beyi Noho akyere no na ɔdze Noara Ne dɛw na asomdwee ahye no ma. Afe 1937 na mosɔɔ dɛm adze yi hwɛe, na ofi dɛm aber no menye Ewuradze edzi nkitsaho ebodu ndɛ. Mehye wo de gyaa wo ho ma No SESEIARA, se emmfaa wo ho mmaa No dada a.

—Watson Goodman (1920-2002)

John 13:1

Na ansaana apaho afahye no rubodu no, Jesus nyim dε no dɔn edu dε oribefi wiadze yi mu akɔ Egya nkyen no, ɔdɔc nankasa nedze a wɔwɔ wiadze no, ɔdɔc hɔn kesii ewiei.

John 3:16

Na mbre Nyankopon dɔc wiadze nye yi, dε ɔdze ne Ba a ɔwoo no kor no mae, ama obiara a ɔgye no dzi no ɔaannhera, na oenyaya onnyiewiei nkwa.

Nyikyerε 1:5

Nye Jesus Christ a ɔyε dasefo nokwafo, ewufo mu abakan, nye asaase do ahemfo hɔn do hwədo-

fo no nkyen, nkā hom. Nyia ɔdɔ hen, na ɔdze no bɔgyaa saan hen fii hen bɔn mu.

John 15:13

Obi nnyi dɔ a ɔsɔ kyen yi, de obi dze no nkwa bɔto ho ama ne nsefo.

Jeremiah 31:3

Ewuradze yii noho kyereε me tsetse, dε, Ampaara, madɔ wo ɔdomankoma dɔ: dɛm ntsi na medze adɔyε matwe wo.

Romefo 5:8

Na Nyankopon kyere no dɔ wɔ hεn do dε yεda ho yε ndzebɔnyεfo no, Christ wui maa hεn.

John 14:9, 10a

Jesus see no dε, Ana menyē hom wɔ hɔ dadaada yi, innyim me, Philip? Nyia oehu me no, oe-hu Egya no; na ɔye dεn na ese dε, Kyere hen Egya no? Ana enngye nndzi dε mowɔ Egya no mu, na Egya no so wɔ mo mu?

John 1:1

Ahyεse no na Asem no wɔ hɔ, na Asem no nye Nyankopɔn wɔ hɔ, na Asem no yε Nyame.

1 Timothy 3:16

Na ɔho nnyi ekyingye dε nyamesom esumasesem no sō; ɔno wɔ-daa no edzi wɔ honam mu, wobuu no bem wɔ sunsum mu, abo-fo hun no, wɔbɔc no dawur wɔ a-

manaman mu, wɔgyee no dzii wɔ wiadze, wɔfaa no kɔr sor wɔ e-nyimnyam mu.

Micah 5:2

Na ɔwo, Beth-lehem Ephra-thah, wo a isuar dε ebɔfora Israel mpempem mu, wo mu na obi be-fir ama me, na oebedzi panyin wɔ Israel do; no mpuei fir tsetse, ofir ɔdomankoma.

Matthew 1:22, 23

Na yinom nyina aye hɔ, ma dza Ewuradze nam nkɔnhyenyi no do kāe no aaba mu dε, Hwε, ɔbaabun benyinsen, na ɔawo babanyin, Na wɔbɔto no dzin Immanuel a ne nkyerεase nye dε, Onyame nye hen wɔ hɔ.

Matthew 8:29

Na hwε, wɔtsēaa mu see dε,
Yenye wo wɔ ebεn yε, ɔwo, Nyankopon Ba? Ana ebaa ha dε erebehaw hen ansaana ber no edu?

1 John 4:15

Obiara a ɔpaa mu kā dε Jesus
nye Nyankopon Ba no, Nyankopon tse no mu na ono so tse Nyankopon mu.

Colossaefo 2:9

No mu na Nyameyesu n'amayε
no tse wɔ nyimpadua mu.

Isaiah 9:6

Na wɔawo ɔba ama hen, wɔama hen ɔbabanyin; na ahendzi

no bεda ne batsir do: na wɔbe-fre ne dzin Ĭpamfo Nwanwanyi, Onyame Katakyi, Ĭdomankoma Egya, Asomdwee Hen.

Matthew 17:5

Na ɔda do rekasa no, hwε, mununkum hyεnn bεkataa hɔn do,
na hwε, ndze fi mununkum no
mu see dε, Oyi nye mo Dɔba a
ɔsɔ m'enyi: hom ntsie no.

Luke 1:35

Na bɔfo no buae see no dε,
Sunsum Krɔnkron bεba wo do,
na nyia ɔwɔ sorsor no n'ahoodzen
bekata wo do: dεm ntsi so adze
krɔnkron a wɔbɔwo no no, wɔbe-fre no Nyankopon Ba.

JESUS KYERΕ HΕΝ NE NYIMPA BAN

John 13:13

Hom frε me Kyerεkyerεfo nye Ewuradze, na hom kā no yie, o-siandε meye dεm.

John 10:7

Dεm ntsi Jesus see hōn bio dε, Nokwar, nokwar, mese hom dε, emi nye nguan no abow no.

John 11:25

Jesus see no dε, Emi nye wu-nyan no nye nkwa no: nyia ɔgye me dzi no, owu mpo a, ɔbetsena ase.

John 8:23

Na ɔsee hōn dε, Homdze, hom fi famu dze mu; emidze, mifi ɔ-

sor dze mu; homdze, hom fi wi-adze yi mu; emidze, mimmfi wi-adze yi mu.

John 9:5

Mowɔ wiadze yi, emi nye wi-adze ne kan.

John 6:35

Na Jesus see hōn dε, Emi nye nkwa paanoo no: nyia ɔba mo hɔ, ɔkɔm renndze no da, na nyia ɔgye me dzi no nsukɔm renndze no da.

John 8:58

Jesus see hōn dε, Nokwar, nokwar, mese hom dε, ansaana Abraham rebεba no, nna mowɔ hɔ.

Luke 5:4-6

Na ogyaa kasa no, ɔsee Simon de, Kwan kɔ mbre ɔdɔ, na hom nkogu hom asawu mfa nam. Na Simon buae see de, Yewura, yεayε edwuma anafua yi nyina, na yeennya hwee; naaso w'asem ntsi mubogu asawu no. Na wɔyεε dɛm no, wobumaa nam pii, ma hɔn asawu retsetsew.

Matthew 14:19-21

Na ɔhyεε nyimpadodow no de wɔntsenatsena mpɔnkɔfuw no do, na ɔfaa paanoo enum no, nye esunam ebiен no, na ɔhwεε sor no, ohyiraa do, na obubui, na ɔdze

paanoo no maa n'esuafo no, na n'esuafo no dze maa nyimpadodow no. Na hɔn nyina dzidzii mee; na wɔtasee mporoporoba a ɔkae no, nkentsen duebien amama. Na hɔn a wodzidzii no, wɔbεye mpemenum, mbaa nye mbofraba mmfora.

Matthew 20:30 na 34

Na hwε, enyifurafo beenu a wɔtse kwan nkyen no, wɔtsee de Jesus rutwa mu no, wɔtsēatsea mu de, Ewuradze, David ba, hu hεn mbɔbɔr. . . Na Jesus ne yamu hyehyee no wɔ hɔn ho, na ɔkāa hɔn enyiwa, na ntsemara wohun adze na wɔkaa no do.

6 JESUS CHRIST NYE ỌBỌFO NA EWURADZE

Colossaefo 1:16

Osiande no mu na wəbəcə adze nyina, dza ɔwɔ sor nye dza ɔwɔ asaase do, dza wohu nye dza wohnhu, ahendzi o, wuradzi o, mpanyindzi o, tumdzi o, adze nyina wənam no do bœ, na wəbœ maa no.

John 1:3

Wənam no do yee adze nyina na woennkwetsi no annye biribara a wɔyee.

1 Corinthfo 1:9

Nyankopon a wənam no do afre hom aba ne Ba hen Ewuradze Jesus Christ anyenkoye mu no, ɔye nokwafo.

Hebrewfo 1:2

Nyankopon . . nda a odzi ekyir yi mu ɔakasa akyerɛ hen wɔ ne Ba mu; ɔno na ɔahye no adze nyina odzifo a ɔnam no do so yee wiadze.

Romefo 14:9

Na iyi ntsi na Christ wui na ɔsoeree baa nkwa mu, ama ɔaaye ewufo nye atseasefo hɔn Ewuradze.

Ndwuma 2:36

Dem ntsi, wəmma Israel fie nyina khu ampa de Jesus yi a hom bɔɔ no mbeamudua mu no, ɔno na Nyankopon aye no Ewuradze nye Christ.

JESUS CHRIST NYE OTSEMBUAFO ABCSO NO 7

Romefo 2:16

Wɔ da a Nyankopɔn nam Jesus Christ do bobu nyimpa esumansem atsen dε mbre me nsempra tse no.

Luke 3:17

ɔno na no nhuwdo-apaaawa kitsa ne nsamu, dε ɔrebεpra ne famu hɔ kofee, na ɔaboaboa n'ewifua ano ekogu san do, na ntsew no ɔdze gya a onndum ahyew.

Matthew 25:32

Na wɔbɔboaboa amanaman nyina ano wɔ n'enyim, na ɔbεpaa-paa hɔn mu dε mbre oguanhwεfo paapaa nguan nye mponkye mu.

Romefo 14:10

Na ɔwodze, ɔye den na ibu wo nua atsen? Anaaso ɔwodze, ɔye den na ibu wo nua enyimtsia? Na hen nyina begyina Nyankopɔn asendzii gua no enyim.

2 Timothy 4:1

Midzi wo adanse wɔ Nyankopɔn nye Jesus Christ a obobua atseasefo nye ewufo atsen, wɔ ne mfirii nye n'ahendzi no mu no enyim dε.

Ndwuma 10:42

Na ɔhyεε hen dε yenkā nkyere ɔman no, na yendzi dase dε ɔno nye nyia Nyankopɔn ahyε no atseasefo nye ewufo otsembuafo.

NKWAGYE FIR CHRIST NKOTOO

1 Thessalonicafo 5:9

Na Nyankopən ennyi hən a-nnto hə amma ebufuw, na mbom də yebenya nkwagye a ɔnam Christ do.

John 10:9

Emi nye abow no; emi na sə obiara nam mo do kə mu a, wəbəgye no nkwa, na ɔbəkə mu befir, na obenya edzidzibea.

John 14:6

Jesus see no də, Emi nye ɔkwan no, nye nokwar no, nye nkwa no; obi mmba Egya no hə, gyedə ɔ-nam mo do.

John 8:24

Dəm ntsi mesee hom də hom bowu wə hom bən mu: sə hom

nngye nndzi də emi nye ɔno a, hom bowu wə hom bən mu.

Ndwuma 4:12

Na nkwagye nnyi obiara so mu: eso dzin fofor biara nnyi wi yi ase a wədze ama wə nyimpa mu a otwar də wəgye hən nkwa wə mu.

Hebrewfo 7:25

Dəm ntsi so otum gye hən a wənam no do ba Nyankopən hə no koraa, də ɔtse ase daa də odzi ma hən ntsi.

Hebrewfo 5:9

Na onyae dzii mu no, ɔbeyee onnyiewiei nkwagye farbaa ma hən a wotsie no nyina.

Colossaefo 1:12-14

Na hom aada Egya no ase, ɔno a ɔama yease dε yεye ahotsewfo a wɔwɔ kan mu no hɔn egyptapadze fafafo no; ɔno na oyii hen fii sum no tum no ase, na ɔ-dze hen baa no Dɔba n'ahendzi no mu; no mu na yeenya pon ɔ-nye bɔnfakyε.

Luke 19:10

Na nyimpa Ba no baa dε ɔro-bɔhwehwε na ɔabεgye dza ɔayew no.

1 Corinthfo 1:30

Na ofi no mu na hom wɔ Christ Jesus mu, ɔno na wofi Nyank-

pɔn mu ayε no nyansa nye tsene-nee, nye ahotsew, nye ɔpon ama hen.

Titus 2:14

ɔno a ɔdze noho mae maa hen, ma ɔaaron hen efi emumuyε nyina mu, na ɔaatsew ɔman a ɔyε nankasa nedze a ɔbɔ ndwuma pa-pa ho mbɔdzen ho.

Nyikyerε 5:9

Na wɔtoow ndwom fofo: bi dε, ɔwo na efata dε egye nwoma no, na etsew no nsɔwano no: osiandε wokum wo, na edze wo bɔgyaa tɔɔ binom maa Nyankopɔn, wofi mbusuakuw nye kasa, nye nkɔrɔ-fo, nye aman nyina mu.

10 CHRIST NO BOGYAA AKA HEN ABC MU

1 John 1:7

Na se yenantsew kan mu de
mbre ɔno ɔwɔ kan mu no a, ye-
nyinya nkitahodzi wɔ hen mu, na
ne Ba Jesus Christ bogya no tsew
hen ho fi bɔn nyina mu.

Matthew 26:28

Na iyi nye mo bogya a ɔyε a-
hyεmu no dze a dodowara ntsi
woruhue egu ama bɔnfafir.

1 Peter 1:18, 19

Dε hom nyim dε woammfa
ndzembə a ɔprɔw, dwete anaa si-
ka, na wɔdze gyee hom fii hom a-
brabɔ huhuw a hom egyptianom dze
gyaa hom; na mbom Christ bogya
a ɔsom bo no a, dε eguambaa a
dzem nye nkekaa nnyi no ho.

Romefo 5:9

Dem ntsi afei mbom a woedua
no bogya do ebu hen bem yi,
wɔnam no do begye hen nkwa efi
ebufuw no mu.

Ephesusfo 1:7

No mu na yεnam no bogya
do enya hen pon yi, mekyere bɔ-
nfakyε a ɔnam n'adom ahonya
do a.

Hebrewfo 9:14

Mpεn ahen ara na Christ a ɔ-
nam onnyiewiei Sunsum no do
yεε noho afɔrbɔdze a nkekaa nnyi
ho maa Nyankopɔn no, no bogya
a nnketsew hom tsibowa ho
efi ndwuma a nkwa nnyi mu ho
akɔsom Nyankopɔn tseasefo?

John 6:28, 29

Na wɔsee no dε, Eben na ye-nye na yaaye Nyankopɔn ndwuma? Jesus buae see hɔn dε, Iyi nye Nyankopɔn edwuma, dε hom begye nyia ɔnoara somaa no no edzi.

John 20:31

Na wɔakyerεw yinom ama hom aagye edzi dε Jesus nye Christ no, Nyankopɔn ne Ba no, na hom gye dzi a, hom eenya nkwa wɔ ne dzin mu.

1 John 5:4

Osiande biribiara a Nyankopɔn awo no odzi wiadze do konyim: na iyi nye konyim a oedzi wiadze do nyim no, mekyere hen gyedzi.

Ephesusfo 2:8, 9

Na adom na wɔdze nam gyedzi do agye hom nkwa; na ommfir homankasa: Nyankopɔn akyedze a: ommfir ndwuma mu, amma obia-ra aannhyehye noho.

Romefo 5:1

Na afei wɔnam gyedzi do ebu hen bem ntsi, hom mma yendua hen Ewuradze Jesus Christ do nnya Nyankopɔn afamu asom-dwee.

Galatiafo 5:6

Na Christ Jesus mu dze, nnye twatsiatwa, anaa monomonomye, na ɔyε biribi, na mbom gyedzi a ɔnam ɔdɔ do ye edwuma a.

Ndwom 103:17

Na Ewuradze mbøbørhу dze ofi daa kesi daa ma høn a wosuro no, Na ne tsenenee kodu mba høn mba do.

Kwadwom 3:22, 23

Ewuradze n'ehumbøbør ntsi na yønnhyewee yi, osiandø n'ayamu-hyehye mmpa da. Wøye fofor anapa pem nyina; wo nokwardzi sø.

Titus 3:5

Ommfi tsenenee mu ndwuma a yøayø, na mbom ofi noara n'ehumbøbør, na ønam awofofor eguar nye Sunsum Krønkrøn foforyø do gyee høn nkwa.

Hebrewfo 4:16

Døm ntsi hom mma yømføndam mbra adam ahengua no e-nyim na yeenya ehumbøbør na yeehu adam a øboa høn ber a o-hia mu.

Ndwom 103:11

Na de mbørø øsor krøn bø asaa-se do no, Dømara so na no mbøbørhу sø wø høn a wosuro no do nye no.

Micah 7:18

Woana nye Onyame a øtse de øwo a ødze emumuyø fir, na øpa n'egyapadze nkaa no høn mbrato ho? Onnsie n'ebufuw daa, osiandø mbøbørhу na øpe.

Matthew 11:28

Hom nyina hom mbra mo hɔ,
hom a hom reye edwuma bere na
wɔasoa hom dza ɔyε dur, na me-
bema hom ahomgye.

Nyikyerε 22:17

Na Sunsum nye ayefor no se,
Bra. Na nyia ɔtse, ɔnse dε,
Bra. Na nyia nsukɔm dze no ɔ-
mbra: obi a ɔpε, ɔmbra mbεfa
nkwa nsu no kwa.

Isaiah 55:1

Ao o, obiara a nsukɔm dze no
no, hom mbra esu no ho, na nyia
onnyi sika; hom mbra mbɔtɔ, na
hom ndzi; nyew, hom mbra mbɔtɔ
wenyin na numfonsu a wɔnn-
dze sika na wonntwa bo so.

John 7:37

Na da a odzi ekyir no a ɔyε a-
fahye no ne dapɔn no Jesus gyi-
nae tsēaa mu dε, Se nsukɔm dze
obi a, wɔmma ɔmbra me nkyεn
mbɔnom.

Isaiah 1:18

Afei hom mbra ma yɛnkekā ε,
Ewuradze na ɔse: kaansa hom
bɔn tse dε adaaben mpo a, ɔbə-
hoa dε esukwankyεba; kaansa ɔ-
ber dε bɔgyaben mpo a, ɔbεyε dε
guannhwı.

Luke 14:17

Na edzidziber durii no, ɔsomaan
n'akowaa dε ɔnkεse hɔn a wo-
hyiaa hɔn no dε, Hom mbra, na
ndzembə nyina ayε krado.

NNYE NKOROFO NYINA NA WOYE NYANKOPON MBA

Iyi mu na Nyankopon mba nye abɔnsam mba da edzi: obiara a ɔnnye dza ɔtsen nye nyia ɔnndo no nua no mmfir Nyankopon.

—1 John 3:10

Na dodow a Nyankopon Sunsum gya hɔn no, hɔn na wɔye Nyankopon mba. Na hom ennya nkowaaye sunsum a hom dze bosuro bio, na hom enya abaye sunsum a yenam do tsēa mu dε, Abba, Egya. —Romefo 8:14, 15

Philippifo 2:15

Ma hom aaye nyimpa a wonnum hom, wɔye botoo, Nyame

mba a wonndzii ndzem wɔ mbasanten kɔntɔnkye nkyeakyeae ne finimfin, hɔn mu na hom hyerɛn de nkandzea wɔ wiadze mu.

Na dodow a wɔgyee no no, ɔmaa hɔn tum dε wɔnye Nyankopon mba, mekyere hɔn a wɔgye ne dzin dzi no a. —John 1:12

Dem ntsi Hom mfi hɔn mu mbra, na hom ntsew homho, Ewuradze na ɔse, Na mma hom nnkā efifidze; Na mebɛgye hom, Na maye Egya mama hom, Na hom aye me mbabanyin nye mbaaa, Ewuradze Tumfo na ɔse.

—2 Corinthfo 6:17, 18

Mbεbusεm 23:31, 32

Mma nnhwε nsā aber a ɔaber no, Ber a oriyi n'enyi wɔ kɔɔpow mu no, Ber a orisian tromm no: Ewiei no ɔɔcɔw dε ɔwɔ, Na ɔde dε ehurutsia.

Isaiah 5:11

Wondue, hɔn a wɔsoer anaphema kedzi nsādzen ekyir; na wɔkyer anago bersae, ma nsā fram hɔn!

Romefo 13:13, 14

Hom mma yennantsew yie dε adzekyee mu, nnyε edzidzintru du nye asabow mu, nnyε ndwamanyε nye atantandze mu, nnyε a-

perper nye nyinkun mu. Na mbom hom nhye Ewuradze Jesus Christ, na mma hom nnhwehwε nnsie honam nhye n'akɔndɔdze mā.

Galatiafo 5:19-21

Na honam ndwuma no da edzi pefee, ɔnye yinom: ndwamanyε, efifidze, ahoɔdεw, abosonsɔr, a-bayisεm, ɔtan, mansotwe, ahoɔyaw, ebuuw, etutuwρε, mpaapaa-mu, ekuwbɔ, enyitan, asabow, asakasakagor, nye dza ɔtsetse dεm a mekā kyere hom kotoo, dε mbre makā akyere hom dada, dε hɔn a wɔyε dεm ndzembə no rinnya Nyankopon ahendzi no.

Mbεbusεm 16:25

Okwan bi wɔ hɔ a ɔye dε ɔtsen
ma nyimpa, Na n'ewiei ye owu ak-
wan.

Mark 10:17-22

Na ofi hɔ sii kwan no mu no,
obi tutuu mbirika bɔkotoow no,
na obisaa no dε, Kyerekyerεfo
pa, ebεnadze na menyε ma mee-
nya onnyiewiei nkwa aye medze?
Na Jesus see no dε, ɔye dεn na
efrε me papa? Obiara nnyε papa
gyedε baako: ɔno nye Nyankopɔn.
Inyim mbrasεm no, Mma
nndzi ewu, Mma nntɔ awar,
Mma nnwia adze, Mma nngye da-
sewia, Mma nnsisi, Dzi w'egya

nye wo nã nyi. Na ɔsee no dε,
Kyerεkyerεfo, yinom nyinara mi-
fitsi mo mbofraba mu na midzii
do. Na Jesus hwεε no no, ɔdε
no, na ɔsee no dε, Aka wo adze
kor: kɔ kɔtɔn dza ewɔ nyina fa
kyε ehiafo, na ibenya akoradze
wɔ sor, na bra bεka mo do. Na a-
sεm no ntsi omunae, na ɔdze yaw
kɔree: na ɔye nyimpa a ɔwɔ aho-
nyadze pii.

Matthew 22:37, 38

Na ɔsee no dε, Do Ewuradze
wo Nyankopɔn wɔ w'akoma nyi-
na mu, nye wo kra nyina mu, nye
w'adwen nyina mu. Iyi nye mbra
no mu asεm a odzi kan, na ɔsɔ.

Ephesusfo 5:6

Mma obi mmfa nsenhun nndaadaa hom: na dem ndzemba yi ntsi na Nyankopon ebufuw reba seannntse mba do.

Galatiafo 6:7

Mma hom nndaadaa homho; Onyankopon wonnsi no atwetwe; dza nyimpa dua no, ɔnoara na obobu.

Galatiafo 6:3

Na se obi dwen noho de ɔye biribi, na ɔnnye hwee a, ɔdaadaa noho.

1 John 3:7, 8a

Mbofra nkakraba, mma obiara nndaadaa hom: nyia ɔye dza ɔtsen no ɔtsen, de mbre no so tsen

no: nyia ɔye bɔn fir abɔnsam, osiande abɔnsam na ofi ahye se yee bɔn.

James 1:22

Na hom nyε asem no ayεfo, na mma hom nnyε etsiefo nko nndaadaa homho.

1 Corinthfo 6:9, 10

Ana hom nnyim de hɔn a wɔnnntsen rinnya Nyankopon ahemman aye hɔndze? Mma wɔnnadaa hom: ndwaman, nye aboson-sɔrfo, nye awartofo, nye mbaakowaa, nye mbarimba a wɔnye hɔnho da, nye ewifo, nye enyiberfo, nye asabokwafo, nye abɔndzekoofo, nye apempensifo rinnya Nyankopon ahemman no.

Luke 15:32

Na ɔse de hen ho tɔ hen, na yedzi dew: na wo nua yi, owui, na ɔtse ase bio: oyewee, na woe-hu no.

Mbəbusəm 11:19

Nyia otsim wɔ ndzeyetseenenee mu no, ɔbɔkɔ nkwa mu: Na nyia ɔka emumuye do no, ɔye dze nya noara no wu.

Romefo 5:12

Dem ntsi de mbre bɔn nam nyimpa kor do baa wiadze, na owu nam bɔn do bae no, dem na owu twaa mu baa nyimpa nyina do, de hɔn nyina ayε bɔn ntsi.

James 1:15

Na akɔndɔ no nyinsen a, ɔwo bɔn; na bɔn no wie nyin a, ɔwo owu.

Ezekiel 18:20

Okra a ɔye bɔn no, ɔno na obowu: ɔba ronnsoa egya n'emumuye; eso egya ronnsoa ɔba n'emumuye; ɔtseneneenyi ne ndzeyetseenenee bɔtsena no do, na omumuyenyi n'emumuye atsena no do.

Romefo 8:6

Na honam adwen ye wu, na sunsum adwen ye nkwa nye asomdwee.

Luke 7:14, 15a

Na ɔbae bekāa bonto no, na hɔn a wɔso no no gyinae; Na ɔ-see dɛ, Aberantsɛ, mese wo dɛ, Soer. Na nyia owui no, ɔsoɛree, na ɔhyɛɛ ase kase.

1 Corinthfo 15:3, 4

Na nsem a odzi kan a mo so minyae a medze hyɛɛ hom nsa nye dɛ hen bɔn ntsi na Christ wui dɛ mbre kyerewnsɛm no se; na dɛ wosiee no, na ne ndaansa no wonyaan no dɛ mbre kyerewnsɛm no se.

John 10:17, 18

Dɛm ntsi na Egya no dɔ me, osiandɛ medze mo nkwa moto hɔ na maafa no bio. Obi nngye no

me nsamu; na mbom mankasa na medze moto hɔ: mowɔ tum dɛ medze moto hɔ, na mowɔ tum dɛ mefa no bio. Akyɛdze yi na mi-nyaa no m'Egya hɔ.

John 11:43, 44

Na ɔkāa dɛm no, ɔdze ndze kese tsɛaa mu dɛ, Lazarus, fir bra! Nyia owui no firii bae: nda mu atam kyekyer ne nan nye ne nsa, na duukuu kyekyer n'enyim: na Jesus see hɔn dɛ, Hom nsan no, na hom mma ɔnkɔ.

Nyikyerɛ 1:18

Nye nyia ɔtse ase no; na mu-wui; na hwɛ, metse ase mbersan-tsen mfesantsen, na mukura o-wu nye samanadze nsaafee.

Deuteronomy 5:7-21

Mma nnya enyame bi so nnka mo ho.

Mma nnye ohonyi bi, adze a ɔwɔ wimū ɔsor, anaa dza ɔwɔ a-saase do famu, anaa dza ɔwɔ nsu mu wɔ asaase ase no su biara ne saso mma woho: mma mmbɔ wo mu adze mma hɔn, na nnsom hɔn. . .

Mma mmbɔ Ewuradze wo Nyankopon dzin gyangyan na E-wuradze nnkemā nyia ɔbɔ ne dzin gyangyan afa noho tɔtɔtɔ.

Dwen ahomgyeda no do sie no kɔnkɔn, dε mbre Ewuradze wo Nyankopon hyεε wo no. Nda e-sia na yε edwuma na dzi wo

dwuma nyinara: na da a otsia e-suon no yε Ewuradze wo Nyankopon ahomgyeda. . .

Dzi w'egya nye wo nã nyi, dε mbre wo Nyankopon hyεε wo no.

Mma nndzi ewu.

Nkyii so nntō awar.

Nkyii so nnwia adze.

Nkyii so nngye wo nyencho ho dasewia.

Nkyii so mma w'enyi mmber wo nyencho yer; nkyii so mma wo kɔn nndɔ wo nyencho fi, ne haban, anaa n'akowaa, anaa n'afonabaa, ne nantwi, anaa n'asoaso, anaa adze biara a ɔyε wo nyencho dze.

Mbεbusεm 15:3

Ewuradze enyiwa wɔ mbea nyinara, Roweɔn ebusuyεfo na apapafo.

Jeremiah 23:24

Aso obi botum ehuntsa noho wɔ huntsabea bi a emi murunnhu no? Ewuradze na ɔse. Ana mennyε ɔsor na asaase mā? Ewuradze na ɔse.

Job 34:21, 22

Na n'enyiwa wɔ nyimpa n'a-kwan do, Na ohu no nkoree nyinara. Sum bi nnyi hɔ, na owu nwinwin bi so nnyi hɔ, Mbre emumuyεfo dze hɔnho bosuma.

Ndwuma 17:27

Dε wɔnhwehwε Nyankopon, dε bi a hɔn nsa bækā no, na woehu no, naaso ɔnye hɛn mu biara ntamu kwan nnwar.

Luke 8:17

Na biribi nnsuma a wonnkeyi no edzi, na onnhunta a wonnku-hu na ɔnnkeda gua.

Ndwom 139:8 na 12

Sε mofow kɔ sor a, ewɔ hɔ: Se mekesew me kete wɔ Sheol a, hwe, ewɔ hɔ. . . Sum mpo nnhuntsa wo, Na adzesaa yε kann de adzekyee: Sum na kan nyina yε wo adze kor.

Matthew 25:46

Na yinom bɔkɔ onnyiewiei amandzehu no mu, na nyimpa tseenenee no bɔkɔ onnyiewiei nkwa no mu.

Ndwom 9:17

Emumuyefo bɛsan akɔ Sheol, Mekyerɛ amanaman a hɔn werɛ fir Nyame nyinara.

Matthew 18:8

Na sɛ wo nsa anaa wo nan to wo fintsidua a, twa, na tow fi wo ho kyen: oye ma wo dɛ edze abasin anaa anansin bɔkɔ nkwa mu kyen dɛ ewɔ wo nsa ebien nye w'anan ebien, na wɔdze wo bɔkɔ-to onnyiewiei gya mu.

2 Peter 3:7

Na sor a ɔwɔ hɔ sesei, nye a-saase no wɔdze n'asem kor no ara akora do ama ogya, esie atsɛmbu nye nyimpa emumuyefo sɛɛda no.

Matthew 13:41, 42

Nyimpa Ba no bɔsoma n'abɔfoe na wɔakɔboaboa dza ɔto fintsidua nyina ano efi n'ahenman mu; nye hɔn a wɔyɛ emumuyɛ nyina.

Nyikyerɛ 20:15

Na obiara a woennhu no dɛ wɔakyerɛw no wɔ nkwa nwoma no mu no, wɔtoow no kyeen ogya nsutaae no mu.

2 Peter 2:9

Ewuradze nyim mbrɛ oyiyi nyamesurofo fi nsɔhwɛ mu, na osie hɔn a wɔnntsen wɔ ntsēa ase dze kɔ atsembu da no.

Hebrewfo 9:27

Na dɛ mbrɛ wɔahye ama nyimpa dɛ owu preko, na ɔno ekyir atsembu bεba no.

Ndwuma 17:31

Osiande ɔahye da bi a ɔnam ɔbarimba bi a oeyi no esi hɔ no do bobu wiadze atsen wɔ tsenee mu; ɔno na ɔama ɔasoer efi ewufo mu dze esi no pi ama nyimpa nyina dɛ wɔmfa ndzi dase.

Romefo 14:12

Ntsi hɛn nyina bobu hɛnanka-sa hɛnho akontaa nkorkor akyere Nyankopɔn.

1 John 4:17

Iyi no mu na ɔdɔ edzi mu wɔ hɛn mu, na yaaye ndam wɔ atsembu da no mu; osiande dɛ mbrɛ ɔno tse no, mbrɛ hɛn so yetse wɔ wiadze ha nye no.

2 Corinthfo 5:10

Na otwar dɛ hɛn nyina wobeyi hɛn akyere Christ atsembu gua no enyim hɔ, ama obiara eenya dza ɔayɛ no nyimpadua yi mu, papa o, bɔn o.

Romefo 9:16

Ntsi, ommfi nyia ɔpε, anaa nyia otutu mbirika, na ofi Nyankopon a ohu mbɔbɔr.

1 Peter 5:5b

. . . osiande Nyankopon siw ahopɔwfo kwan, na ɔdom aho-breadzefo.

Ndwuma 4:33

Na ahoɔdzen kese na asomafo no dze gyee Jesus no wunyan ho dase, na adam kese baa hɔn nyina do.

2 Corinthfo 9:15

Ndaase nkā Nyankopon wɔ n'akyedze a onnyi akasu no ntsi.

Romefo 5:15

Na nnyε mbrε mbrato no tse na adam akyedze no so tse. Na se ɔbaakofo mbrato ntsi dodowara ewu a, Nyankopon adam nye adam akyedze a ɔwɔ nyimpa kor Jesus Christ mu no abor do ama dodowara.

2 Corinthfo 8:9

Na hom nyim hen Ewuradze Jesus Christ n'adom, de ɔyε ɔ-honyanyi, naaso hom ntsi ɔbeyεe ohianyi, ama hom nam ne hia do aayε ahonyafo.

Titus 3:7

Ma wɔnam n'adom do bu hen bem a, yaayε onnyiewie i nkwa ho enyidado no edzifo.

Mbəbusəm 28:13

Nyia ɔkata ne mbrato do no, ɔnnkeye p्रəmp्रəm: Na obiara a ɔkā to gua na ɔpow no, obenya ehumbəbər.

Matthew 3:2

Na ɔsee dε, Hom nnu homho, na ɔsor ahenman no aben.

Ndwuma 17:30

Na mber a wonnyim no dze, Nyankopən buu enyi guu do, na afei dze, ɔhye nyimpa nyina wɔ mbea nyina dε wonnu hɔnho.

Luke 13:3

Mese hom dε, Dabida: na mbom gyedε hom nu homho, ɔno hom nyina bəhera dəmara.

Ndwuma 3:19

Dəm ntsi hom nnu homho, na hom ndan homho, ma wɔaapepa hom bɔn efi hom ho, ma dəm no ahodwee nda eefi Ewuradze eyim aba.

2 Corinthfo 7:10

Na Nyankopən kwan do awerəhow dze, ɔye mfihoekyir a wɔdze kɔ nkwegye mu a wonnu ho wɔ ho, na wiadze awerəhow dze, ɔma owu.

Ndwuma 2:38

Na Peter see hɔn dε, Hom nnu homho, na wonnuma hom nyina wɔ Jesus Christ ne dzin mu nkɔ bɔnfakyε mu, na hom benya Sunsum Krɔnkɔn no akyedze no.

Isaiah 55:7

Hom mma omumuyenyi ndan no kwan ngya, na ɔbrakyewnyi ndan n'adwen ngya: na ɔnsan mbra Ewuradze nkyen, na obohu no mbɔbɔr; na hen Nyankopon nkyen, na ɔdze befir mbordo.

Ndwuma 5:31

ɔno na Nyankopon dze ne nsa nyimfa maa no do de Safohen nye Agyenkwa, de ɔmma Israel nnuhu nye bənfakyε.

Nyikyerε 3:20

Hwε, migyina abowano na morobɔ mu: se obi tsie me ndze na obue abow no a, mebεhen mu aba ne nkyen, na menye no bedzidzi na ɔno so nye me edzidzi.

Mark 2:5

Na Jesus hun hɔn gyedzi no, ɔsee mbubuinyi no dε, ɔba, wɔ-dze wo bɔn akyε wo.

Ndwuma 13:38

Dεm ntsi, enuanom, hom nhu de ɔnam oyi do na wɔkā bənfakyε kyεrε hom.

Matthew 6:14

Na se hom dze nyimpa hɔn mfom kyε hɔn a, hom sor Egya so dze bεkyε hom.

Ezekiel 18:21

Se omumuyenyi san fi ne ndze-bɔn a ɔayε nyinara ho, na odzi m'ahyεdze nyinara do, na ɔyε dza ɔfa mbra mu na ɔtsen a, ase ara na ɔbεtsena, orunnwu.

Isaiah 1:16

Hom nhohor homho, hom ntsew homho; hom nyi hom emumuyedze no mfi m'enyiwa do; hom ngyaa bɔn ye.

2 Timothy 4:10

Na Demas adɔ sesei wiadze yi egya me hɔ esi mu kɔ Thessalonica; Crescens kɔ Galatia, Titus kɔ Dalmatia.

Colossaefo 3:2

Hom mfa hom adwen ngyina dza ɔwɔ sor do, na nnye dza ɔwɔ asaase ha.

Titus 2:11, 12

Na Nyankopɔn adom a ɔdze nkwegye brɛ nyimpa nyina eyi

noho edzi, ɔtsetse hɛn de yempha mbusubɔ nye wiadze akɔndɔ, na yemfa enyidado, nye tsenenee, nye nyamesompa ntsena sesei wiadze yi mu.

1 John 2:15, 16

Mma hom nndɔ wiadze, anaade ndzemba a ɔwɔ wiadze. Na nyia ɔdɔ wiadze, Egya no ho dɔ nnyi no mu. Na dza ɔwɔ wiadze nyina, honam akɔndɔ, enyiwa akɔndɔ, nye asetsena mu enyimnyampɛ, ommfir Egya no, na mbom ofir wiadze.

Ephesusfo 5:11

Na mma hom nnye sum edwuma a ɔnnsow aba no nnye nyenko, na mbom hom ntsia.

John 10:10

Owifo no mm̄ba gyed̄e orubowia, na oeku, na ɔasɛɛ; emidze, mebae ma woeenya nkwa, na woeenya no mbordo.

1 John 2:29

Sε hom nyim dε ɔyε tseneneenyi a, hom nhu dε obiara a ɔyε tsenenee no, ɔno na ɔwo no.

1 Peter 1:23

Dε hɔn a wommfi aba a ɔprɔw mu, na mbom wofi dza ɔ-mmprɔw mu, ɔnam Nyame asem a ɔtse ase na ɔbetsena ase daa no do awo hom fofor.

Ezekiel 36:26

Mebɛma hom akoma fofor so, na medze sunsum fofor ahyɛ

hom mu: na mibeyi ɔbo akoma efi hom honam mu, na mama hom honam akoma.

2 Corinthfo 5:17

Dem ntsi sε obi wɔ Christ mu a, ɔyε abɔdze fofor: ndzemb̄a addadaw no etwa mu, na hwε, ndzemb̄a nyina aye fofor.

1 John 5:18

Yenyim dε obiara a Nyankopɔn awo no ɔnnyε bɔn; na mbom nyia Nyankopɔn awo no no hwε noho do, na ɔbɔn no nnkā no.

John 3:3

Jesus buae see no dε, Nokwar, nokwar, mese wo dε, Sε wɔ-an-nwo nyimpa fofor a, orunntum nnhu Nyankopɔn ahemman no.

Ephesusfo 2:1 na 6

Na hom so ɔama hom enya nkwa, hom a nkye hom ye ewufo wo hom mfom nye ndzebən mu a . . . na oenyan hen aka no ho, na ɔama yenyenye no atsena sorsor hɔ wo Christ Jesus mu.

Galatiafo 5:24

Na hɔn a wo耶 Christ Jesus dze no, woabɔ honam nhwetodze nye n'akɔndɔ nyina mbeamudua mu.

1 Peter 2:24

Onoarankasa na ɔsoaa hen bɔn wo no honam mu kɔr dua no do, de yeewu ama ndzebən a, yaatse-na ase ama tsenenee; ono na wo-dze ne mbaa etua asa hom yarba.

Romefo 6:2 na 11

Obeye den na hen a yewui maa bon yebeda ho atsena ase wo mu? . . . Demara so na hom mbubu homho de hom ewu ama bon, na hom tse ase ma Nyankopɔn wo Christ Jesus mu.

Colossaefo 3:1

Dem ntsi se hom enya nye Christ asoer a, hom nhwehwɛ dza ɔwɔ sor mbre Christ tse Nyankopɔn abanyimfa.

Colossaefo 2:13

Na hom a nkye hom ewu wo hom mfom nye hom honam mononomoye mu no, hom na ɔama hom nye no enya nkwa, de ɔ-dze hen mfom nyina akye hen.

John 17:3

Na iyi nye onnyiewiei nkwa,
de wobohu ɔwo, nokwar Nyame
kor no, nye nyia esomaa no, me-
kyere Jesus Christ.

Galatiafo 6:8

Na nyia odua ma nankasa no
honam no, ofi honam mu bobu
prowee, na nyia odua ma Sunsum
no fi Sunsum mu bobu onnyie-
wiei nkwa.

John 5:24

Nokwar, nokwar, mese hom
de, nyia ɔtse m'asem, na ɔgye
nyia ɔsomaa me no dzi no, ɔwɔ
onnyiewiei nkwa, na ɔremmba a-
tsembu mu, na mbom oetwa mu
efi owu mu aba nkwa mu.

John 3:14, 15

Na de mbre Moses maa ɔwɔ
no do wɔ sar no do no, demara
na otwar de wɔma nyimpa Ba no
do, ma obiara a ɔgye no dzi no
oeenya onnyiewiei nkwa wɔ no
mu.

John 3:36

Nyia ɔgye Oba no ne dzin dzi
no, ɔwɔ onnyiewiei nkwa; nyia o-
nndzi Oba no asem do no, oru-
nnhu nkwa, na Nyankopɔn ebu-
fuw tsena no do.

Romefo 6:23

Osiande bɔn akatua nye wu, na
Nyankopɔn n'adom akyedze nye
onnyiewiei nkwa wɔ hen Ewura-
dze Christ Jesus mu.

Romefo 8:16

Na Sunsum nankasa nye hен sunsum dzi dase de yεye Nyan-kopɔn mba.

1 John 3:18, 19

Me mba nkakrabɑ, mma yε-mmfa asem anaa tεkyerεma nndɔ, na mbom hom mma yεndɔ wɔ nyεe nye nokwar mu. Na iyi mu na yεdze bohu de yefi nokwar no mu, na yεdze besi hen akoma pi wɔ n'enyim.

1 John 4:13

Iyi mu na yehu de yεtse no mu, na ɔno so tse hен mu, osian-de ɔama hен no Sunsum no bi.

Isaiah 32:17

Na ndzeyεtsenenee edwuma bεyε asomdwεe; na ndzeyεtsenenee no nsusuando ayε kommyε na awerεhyεmu daa.

Galatiafo 4:6

Na osiande hom yε mba ntsi, Nyankopɔn asoma ne Ba no Sunsum aba hom akoma mu a ɔtsεa mu de, Abba, Egya.

John 14:21

Nyia ɔwo me mbransεm na o-dzi do no, ɔno nye nyia ɔdɔ me, na nyia ɔdɔ me no, m'Egya bɔdɔ no, na mo so mobɔdɔ no, na mi-beyi moho makyεrε no.

32 CHRIST A CWO NEH MU NO MA ENYIGYE

Ephesusfo 3:17

Ma Christ ndua gyedzi do ntsena hom akoma mu; na hom ngye ndwow na hom ntsintsim wɔ dɔ mu a.

Galatiafo 2:20

Wɔabɔ emi nye Christ mbeamdua mu; naaso metse ase; na nnyɛ emi a, na Christ na ɔtse mo mu; na ase a metse wɔ honam mu yi, metse no Nyankopɔn Ba a cɔcɔ me na ɔdze noho maa me no ne gyedzi mu.

Romefo 14:17

Na Nyankopɔn ahenman nnyɛ edzidzi nye ɔnom, na mbom ɔyɛ tsenenee, nye asomdwee, nye Sunsum Krɔnkron mu dew.

Isaiah 12:3

Dem ntsi enyigye na hom dze bɔtow nsu efi nkwegye buru no mu.

John 15:11

Makā yinom akyerɛ hom ama me dew aatsena hom mu, na hom dew aahyɛ mā.

Ndwom 16:11

ɔwo na ebekyerɛ me nkwa kwan: Enyika a ɔmee wɔ w'enyim; Enyigye wɔ w'abanyimfa hɔ daa.

John 17:13

Na afei dze, mereba wo nkyɛn, na mekā yinom wɔ wiadze ama woeenya me dew no ma wɔaahyɛ mā wɔ hon mu.

Deuteronomy 11:26-28a

Hwε, medze nhyira nye ndom mirisi hom enyim nde da yi; nhyira no, sε hom tsie Ewuradze hom Nyankopɔn mbransem a merehyε hom nde da yi a; na ndom no, sε hom enntsie Ewuradze hom Nyankopɔn mbransem...

2 Thessalonicafo 1:7-9

Na hom a worihiahia hom hodie, ɔma hom nye hen ahomgye, wɔ da bi a Ewuradze Jesus Christ beyi noho efi sor, nye no tum abɔfo, wɔ gyaframee mu, na oebootua hɔn a wonnyim Nyame na wonntsie hen Ewuradze Jesus Christ asempa no wer: hɔn na

wobenya akatua bɔn, ɔsεε a onnyi ewiei, efi Ewuradze enyim, nye n'ahoɔdzen enyimnyam no ho.

1 Samuel 12:15

Na sε hom enntsie Ewuradze ne ndze, na hom tsew Ewuradze ne mbrasem do etua a, ɔno Ewuradze nsa betsεa hom, dε mbrε ɔtsεaa hom egyanom no.

Romefo 6:16

Ana hom nnyim dε onyia hom egyaahomho ama no dε nkowaa de hom betsie no no, ɔno a hom tsie no no no nkowaa nye hom, sε bɔn a ɔdze kɔ owu mu o, sε setsie a ɔdze kɔ ɔtsenenee mu o.

Luke 9:26

Osiande obiara a n'enyi bɔtō
emi nye me nsəm ho no, ɔno na
nyimpa Ba no n'enyi bɔtō no ho,
ber a ɔdze nankasa nye n'Egya
nye abɔfo krɔnkrɔn enyimnyam
no bɛba no.

Philippifo 2:11

Na təkyerəma nyina mpaa mu
nka də Jesus Christ nye Ewuradze
nhye Egya Nyankopɔn enyim-
nyam.

1 John 2:23

Obiara a ɔpow ɔba no, onnyi
Egya no; na nyia ɔpaa mu bɔ
ɔba ne dzin no ɔwɔ Egua no so.

Romefo 10:9, 10

Dε, Σε edze w'ano paa mu kā
de Jesus nye Ewuradze, na egypt
dzi wɔ w'akoma mu de Nyankopɔn
nyaan no fii ewufo mu a, wɔbɛgye
wo nkwa: na akoma na
wɔdze gye dzi kɔ tsenenee mu, na
ano na wɔdze paa mu kā kɔ
nkwagye mu.

Matthew 10:32, 33

Dəm ntsi obiara a ɔbɔbɔ me
dzin wɔ nyimpa enyim no, ɔno
na mo so mobobɔ ne dzin wɔ
m'Egya a ɔwɔ sor n'enyim. Na o-
biara a ɔbɛra me wɔ nyimpa e-
nyim no, ɔno na mo so mebɛra
no m'Egya a ɔwɔ sor n'enyim.

2 Thessalonicafō 2:9

Ono a ne mbae no ɔnam abɔnsam edwuma do ba, wɔ tum nye nsenkyerɛdze nye ator anwanwadze nyina mu.

1 Peter 5:8

Hom nye enyigyen, hom nweɔn: osiandɛ hom tamfo abɔnsam tse dɛ gyata a a ɔropɔw nemnam rohwehwɛ nyia obenya no amen no.

Matthew 4:1 na 10, 11

Nna Sunsum no dze Jesus kɔrsar no do ma abɔnsam no kɔsɔ no hwɛe. . . Nna Jesus see no dɛ, Fi ha fi, Satan: na wɔakyerɛw dɛ, Sɔr Ewuradze wo Nyankopɔn, na no nko na som no. Nna abɔnsam

no gyaa no hɔ; na hwɛ, abɔfo bae bɔsoom no.

Ndwuma 26:18

Dɛ kobue hɔn enyi na kɛdan hɔn fi sum mu bra kan mu, ma woefi Satan tum mu aba Nyankopɔn hɔ, na woeenya bɔnfakyɛ nye egyptadze wɔ hɔn a wɔnam gyedzi a ɔwɔ mo mu do enya a-hotsewee no mu.

Ephesusfo 6:11

Hom nhɛ Nyankopɔn akodze no nyina, na hom eetum egyptina abɔnsam ndaadaa no enyim.

2 Corinthfo 2:11

Ma Satan eenndzi ewuramim: na ne tsirmnsem nnhuntsaa hen.

2 Corinthfo 10:4

Na hen asayε akodze nnyε honam dze, na mbom ɔyε dzen wɔ Nyankopɔn enyim de yεdze bwuruw akoban.

2 Thessalonicaf 2:8

Nna nkyii wobeyi nyia onndzi mbra biara do no akyerε, ɔno na Ewuradze Jesus dze n'anomu e-huhuw boku no, na ɔdze ne mbae mfirii ama ɔahera.

James 4:7, 8a

Dεm ntsi hom mfa homho nhyε Nyankopɔn ase; hom nsiw abɔnsam kwan, na oboguan efi hom nkyen. Hom ntwe mpin Nyankopɔn na ɔbɔtwe epin hom.

1 John 3:8

Nyia ɔyε bɔn fir abɔnsam, osiande abɔnsam na ofi ahyeε yεε bɔn.

Romefo 8:35 na 37

Woana bεtsew hen efi Christ dε no ho? Ahohia, anaa ahomtsew, anaa ɔhaw, anaa ɔkɔm, anaa adagyaw, anaa amandze, anaa afɔwa a? . . . Naaso iyi nyina mu yεnam nyia ɔdɔɔ hen no do dzi konyim bor do.

Hebrewfo 2:14

Na ofir de mba no wɔ bɔgya nye honam bi no, demara na no so faa mu bi, ama ɔnam owu do aama onyia no a ɔwɔ owu tum a (ɔno nye abɔnsam no) ayε kwa.

Galatiafo 5:22, 23a

Na Sunsum no aba nye ɔdɔ, dɛw, asomdwee, penkyer, ayamuyie, papaye, gyedzi, ɔdwe, aho-hyedo. . .

John 13:35

Onam yi do na nyimpa nyina bohu dɛ hom ye m'esuafo, sɛ hom wɔ ɔdɔ wɔ homho nkorkor a.

1 Corinthfo 13:1

Sɛ medze nyimpa nye abɔfo te-kyerema mekasa, na minnyi ɔdɔ a, mayɛ dɛ ayewa a ɔgyegye nye akasaa a ɔwosow.

John 21:16

ɔsee no mpɛn ebien dɛ, Simon, John ne ba, ana edɔ me? ɔsee no

dɛ, Nyew, Ewuradze, woara in-yim dɛ modɔ wo. ɔsee no dɛ, Hwɛ mo nguan.

1 John 5:3

Na Nyankopɔn dɔ nye yi, dɛ yebedzi n'ahyɛdze do: na n'ahyɛdze no nnyɛ dzen.

1 John 4:20

Sɛ obi kā dɛ, Modɔ Nyankopɔn, na ɔtan no nua a, ɔyɛ ɔtorfo, na nyia ɔnndɔ no nua a ohu no no bɛye dɛn adɔ Nyankopɔn a onnhu no?

1 John 3:14

Hendze yenyim dɛ yeetwa mu fi wu mu akɔ nkwa mu, osiandɛ yɛdɔ enuanom no. Nyia ɔnndɔ no nua tse wu mu.

Romefo 4:25

ɔno na hɛn mfom ntsi woyii no mae, na hɛn abendzi ntsi wonyaan no.

Mark 16:9

Na ɔsoeεr da a odzi dapɛn no kan no anapatutu no, odzii kan yii noho kyerɛɛ Mary Magdalene a otuu mbɔnsam esuon fii no mu no.

John 20:26-28

Na n'ekyir ndaawɔtwe no, esuafo no wɔ dan mu bio, na Thomas ka hɔn ho. Na Jesus bae, na mbobow no wɔatotow mu; na obegyinaa hɔn finimfin, na ɔsee dɛ, Asomdwee nkā hom! Na ɔsee Thomas dɛ, Tsen wo nsatseaba

bra ha bɔhwɛ me nsamu, na fa wo nsa bɛkā me mfemu, na mma nnyɛ okyingyefo, na mbom yɛ gyedzinyi. Thomas buae see no dɛ, M'Ewuradze nye me Nyankopɔn!

Ndwuma 10:39-41

Na hɛn nye adasefo wɔ ndzembɑ a ɔyɛɛ wɔ Jewfo asaase do nye Jerusalem mu no ho; ɔno so na wɔsɛɛn no wɔ dua do kum no. Na Nyankopɔn nyaan no da a otsiā ebiasa no mu, na oyii no kyerɛɛ petee, nnyɛ ɔman no nyina a, na dasefo a Nyankopɔn eyi ato hɔ dada no a, hɛn a ɔsoereえ fii ewufo mu no ekyir no yɛnye no dzidzii nomee no.

Matthew 16:21

**Na ofitsi aber no na Jesus hyεε
ase kyereε n'esuafo dε ɔse dε ɔkɔ
Jerusalem, na okohu amandze pii
wɔ mpanyimfo nye asɔfompa-
nyin, nye kyerewfo nsa, na woeku
no, na da a otsia ebiasa no ɔa-
soer.**

John 5:25 na 28, 29

**Nokwar, nokwar, mese hom
dε dɔn no reba na enya edu a e-
wufo bεtse Nyankopɔn Ba ne
ndze, na hɔn a wɔbεtse no benya
nkwa. . . Mma yi nnye hom nwa-
nwa: na dɔn no reba a hɔn a wɔ-
wɔ nda mu nyina bεtse me ndze,
na woefir edzi; hɔn a wɔayε papa**

**no, akɔ nkwa wunyan mu; hɔn a
wɔayε dza omuo no, akɔ afɔdzi
wunyan mu.**

Romefo 6:3-5

**Ana hom nnyim dε hen a
wonumaa hen hyεε Christ Jesus
mu no nyina, wonumaa hen hyεε
no wu mu? Dem ntsi wɔnam e-
numa mu esie yεnye no wɔ owu
mu, ma dε mbre wɔnam Egya no
n'enyimnyam do nyaan Christ fii
ewufo mu no, demara hen so
yaanantsew nkwa fofor mu. Na
se yεnye no abɔ mu kor wɔ no
wu no saso mu a, nna yεnye no
bɔbɔ mu kor wɔ no wusoer no so
saso mu.**

Luke 1:74, 75

Obema woeyi hen efi hen atamfo nsamu, Na yεasom no dε hunnyi mu, Wε ahotsewee nye tseenenee mu wε n'enyim hen nkwa nda nyina.

2 Corinthfo 7:1

Yεwε dεm anohoba yi ntsi, adøfo, hom mma yεnhohor hεnho mfi honam nye sunsum mu fι nyina mu, yenwie krönkrön yε wε Nyankopɔn suro mu.

1 Peter 1:15

Na dε nyia ofree hom no yε krönkrön no, homankasa so nyε krönkrön wε asetsena nyina mu.

2 Timothy 2:15

Bε mbødzen yi woho kyere dε nyia Nyame apen no, odwumayεnyi a ɔnngye dε ɔfer, ɔdze nokwasem no mu tsenn.

2 Timothy 2:21

Na se obi tsew noho fi iyinom ho a, ɔbεye adze a wobu no bi, wøatsew ho, owura dze yε biribi a ɔyε yie, na woesiesie dze ama edwuma pa biara.

1 Peter 1:2

Dε mbø Egya Nyankopɔn ne nyimdada tse, wε Sunsum n'ahotsew mu, dze kɔ setsie nye Jesus Christ no bøgyaguar mu: adom nye asomdwee ndɔɔ sɔ nkā hom.

2 Peter 3:11

Ntsi se iyinom nyina besee dem a, nyimpa su ben na ese de hom ye, wɔ abrabɔ krönkrön nye nyamesompa mu.

Matthew 3:11

Emidze, munuma hom nsu mu kɔ nnuho mu, na nyia odzi m'ekyir reba no no ho ye dzen kyεn me, no nsokota mpo mennse de mikitsa: ɔno na obonuma hom wɔ Sunsum Krönkrön mu, na gya mu.

Ephesusfo 1:4

De mbre ɔsaan mu yii hen wɔ dɔ mu ansaana wɔrehye wiadze ase, de yenyε ahotsewfo nye hɔn a wonndzi dzem biara wɔ n'eniyim.

Hebrewfo 13:12

Ntsi na Jesus so, mbre ɔbeye na ɔdze no bøgyaa atsew ɔman no ho no, ohun amandze wɔ kuropon no ekyir.

1 John 1:9

Se yekā hen bɔn kyere a, ɔye nokwafo nye tseneneenyi de ɔdze hen bɔn nyina bekycε hen, na ɔatsew hen ho wɔ dza ɔnntsen nyina ho.

Isaiah 35:8

Na ɔtsempon beda hɔ, na ɔkwani, na wɔbefre no Krönkrön kwan; ɔhoɔfifɔ nnkefa do; na ɔno na wɔdze bema hɔn: akwantsemfo, nyew nkawasea, wɔnnkɔfom kwan wɔ mu.

Ndwuma 4:31

Na wowiee nkotoserɛ no, beebei
mbre woehyia hɔ no wosowee, na
Sunsum Krɔnkrɔn hyɛɛ hɔn nyi-
na mā, na wɔdze ndam kāa Nyankopɔn
asɛm.

Romefo 8:9

Na homdze, hom nnyi honam
mu, na mbom hom wɔ sunsum
mu, se ɔba dɛ Nyankopɔn Sun-
sum tse hom mu a. Na se obiara
nnyi Christ no Sunsum a, ɔnnye
nedze.

Luke 11:13

Na se hom a hom muo yi nyim
mbre hom dze akyɛdze pa ma
hom mba a, mpɛn ahen ara na

hom Egya a ɔwɔ sor no nnkefa
Sunsum Krɔnkrɔn ama hɔ a wo-
bisa no?

Ndwuma 11:24

Osiande ɔyɛ nyimpa pa, na Sun-
sum Krɔnkrɔn nye gyedzi ahye
no mā; na nyimpadodow pii bɛ-
kaa Ewuradze ho.

Ndwuma 1:8a

Na mbom Sunsum Krɔnkrɔn
no nya ba hom do a, hom benya
ahoɔdzen; na hom bɛyɛ m'adasefo
ama me. . .

Ezekiel 36:27

Na medze mo sunsum bɛhyɛ
hom mu, na mama hom anantsew
m'ahyɛdze mu, na hom esie m'a-
tsembudze no, na hom aye.

Ndwom 34:18

Ewuradze bən hən a hən ako-
ma abobo, Na ɔgye hən a hən
sunsum abotow nkwa.

Isaiah 66:2

Na ndzembə iyinom nyinara
me nsa na ɔayɛ, na mbre ndzembə
iyinom nyinara yee bae nye
no, Ewuradze na ɔse: na nyimpa
a mobəhwɛ no nye oyi, mekyerɛ
onyia no a ɔyɛ ɔbəbəfo na sun-
sum a ɔabobo, na no ho popo wɔ
m'asəm ntsi no.

1 Peter 4:12, 13

Adəfo, mma hom nndwen ns-
hwɛ gya a ɔaba hom mu rɔɔ
hom ahwɛ no ho dɛ ɔyɛ ahobo-

wəm, dɛ adze hɔho bi aba hom
do: na mbom, dɛ mbre hom aye
Christ amandzehu fafafo no,
hom ndzi dəw, na sɛ woyi n'e-
nyimnyam edzi a, hom dze enyi-
gye ama hom ho aasəpew hom
mbordo so.

Ndwom 37:3

Twer Ewuradze, na ye papa;
Tsena asaase no do, na ka no-
kwardzi do.

Nyikyerɛ 21:4

Na ɔbəpepa hən enyiwa mu
nyinsuwa nyina; na owu nnyi hɔ
bio; na awerchow, nye sū, nye yaw
bi nnyi hɔ bio: osiande nkan no
ndzembə no etwa mu.

Hebrewfo 2:18

Na dè wɔcc no hwee ma nankasa so hun amandze ntsi, otum boa hòn a wɔcc hòn hwè no.

Romefo 16:20

Na asomdwee Nyankopon bwuruw Satan wɔ hom ananadze ntsemara.

Ndwom 34:19

**Ôtseneneenyi n'ahohia dɔɔ sō:
Na Ewuradze yi no fi ne nyinara mu.**

Romefo 8:28

Na yenyim dè hòn a wɔdɔ Nyankopon, ɔdze adze nyina bɔ mu ye edwuma ma hòn yie, hòn a wɔnam ne tsirmpɔw do afre hòn no.

Isaiah 43:2

Sε irutwa esu a, menye wo nam; sε idua esutsen mu a, orummunam wo: sε enam ogya mu a, ennkehew; eso ogyaframee rennhyew wo.

2 Corinthfo 4:17

Na hën sesei ahohia harhar yi, orisiesie onnyiewiei enyimnyam a ɔsō tra do pii ma hën.

1 Corinthfo 10:13

Nsɔhwε bi nntoo mom dè dza nyimpa tum soa ara, a Nyankopon ye ɔnokwafo a ɔremma wɔnnɔsɛnɛnɛ hom nnhwε nnkyɛn dza hom botum, na mbom ɔdze ɔkwan beka nsɔhwε no ho a wɔnam mu fi nsa, ma hom eetum asɔw.

Nyikyerè 3:5

Nyia obedzi nyim no, ɔnoara na wobowuna no ntar fitaa; na meremmpепа ne dzin wɔ nkwa nwoma no mu, na mobəbə ne dzin wɔ m'Egya, nye n'abəfoe enyim.

Nyikyerè 2:7

Onyia ɔwɔ aso no ma ontsiedza Sunsum kā kyere asortow no. Nyia odzi nyim no, mebəma no nkjadua a osi Nyankopɔn Paradise no, n'aba bi ma oeedzi.

Nyikyerè 3:21

Nyia obedzi nyim no, mebəma ɔnye me atsena m'ahengua do, de mbre mo so midzii nyim, na menye m'Egya tsenaa n'ahengua do.

Nyikyerè 2:26

Na nyia obedzi nyim na oekura mo ndwuma mu ekesi ase no, mebəma no amanaman do tum.

Nyikyerè 3:12

Nyia obedzi nyim no, mebəye no fadum wɔ me Nyankopɔn asordan mu, na orimmfi mu efir bio: na mebəkyerew me Nyankopɔn dzin wɔ no do, nye me Nyankopɔn kurow no ne dzin, Jerusalem fofor a ofi me Nyankopɔn hɔ fi sor ba asaase no, nye mankasa me dzin fofor no.

Nyikerè 21:7

Nyia odzi konyim no, obenya iyinom edzi; na mebəye ne Nyankopɔn, na ɔno so aye me ba.

NYANKOPON KASA KYERE HEN WO AWARGYAA HO

Na emidze mese hom dε, Obiara a ɔbɔkɔ̄ ne yer, na sε nnyε ndwamanyε ntsi a, ɔma ɔtɔ̄ awar; na obiara a ɔbɔwar nyia wɔakɔ̄ no no, ɔtɔ̄ awar. — Matthew 5:32

Obiara a ɔbɔkɔ̄ ne yer na ɔawar fofor ɔtɔ̄ awar; na obiara a ɔbɔwar nyia no kun akɔ̄ no no, ɔtɔ̄ awar. — Luke 16:18

Na ɔbaa a ɔwɔ kun wɔdze mbra no kyer no sε no kun mber tsentsen a ɔtse ase nyina; na sε kun no wu a, wɔasan no efi kun no ne mbra no ho. Dεm ntsi kun no tse ase no, sε ɔdze noho kɔbɔ

banyin bi ho a, wɔbɛfrε no ɔwartofo, na sε kun no wu a, oedzi noho efi mbra no ho, ma ɔdze noho kɔbɔ banyin bi ho a, ɔnnyε ɔwartofo.

— Romeo 7:2, 3

1 Corinthfo 7:10, 11 na 39

Na awarfo dze, mehyε hɔn (nnyε emi a, na mbom Ewuradze a) dε mma ɔbaa nngyaa no kun (na sε ogyaa no a, ondzi sigyaw; annyε dεm a, ɔnye no kun nkɔbɔ mu); na mma okun so nnkɔ̄ ne yer. . . Ber tsentsen a ɔbaa no kun tse ase no wɔakyekyer no, na sε no kun ka beebi a, nna odzi noho dε ɔwar obiara a ɔpε, Ewuradze mu nko na ɔnyε.

Nyikyerε 3:11

Mereba ntsem: suo dza ewɔ mu dzen, mma obi aanngye w'ahenkyew.

Matthew 24:30

Na ɔno na nyimpa Ba no n'asenkyerɛdze bopue wimu, na wiadze mbusuakuw nyina bedzi nkɔmbo, na wobohu nyimpa Ba no de ɔreba wɔ sor nsuwusiw do, wɔ ahooɔdzen nye enyimnyam kese mu.

John 14:3

Na se mokɔ, na mikesiesie bee-bi ma hom a, mebεba bio mabεfa hom akɔ mankasa me nkyen, na mbre mowɔ no, hom so aaba ho.

Matthew 24:27

Na de mbre enyinam nyinam fi boka, na ɔhyerɛn kɔ anee no, mbre nyimpa Ba ne ba so bεyε ar-a nye no.

Mark 8:38

Osiandε obiara a n'enyi bɔtɔ emi nye me nsɛm ho wɔ awartofo nye ndzebɔnyɛfo santsen yi mu no, ɔno so na nyimpa Ba no n'enyi bɔtɔ no ho, ber a ɔnye n'abɔfoe krɔnkron bεba wɔ n'enyimnyam mu.

James 5:8

Hom so nyε abotar; hom nhyc hom akoma dzen, osiandε Ewuradze ne mbae abεn.

Luke 21:27

ɔno na wobohu nyimpa Ba no
de ɔreba wɔ nsuwusiw do, wɔ a-
hoodzen nye enyimnyam kese mu.

Hebrewfo 9:28

Demara na Christ so a wɔdze
no bɔɔ afɔr preko de ɔnsoa nyim-
pa pii bɔn no, obokwetsi bɔn
eyi noho edzi ne mpen ebien a-
kyere hɔn a wɔtweɔn no dze hɔn
akɔ nkwegye mu.

1 John 3:2

Adɔfo, afei yεyε Nyankopɔn
mba, na mbre yεbεyε no nnyae
nndaa edzi, na yenyim de, se oyi
noho edzi a, yεbεyε de ɔno, osi-
andε yebohu no de mbre ɔtse.

Nyikyerɛ 16:15

Hwε, mereba de owifo. Nhyira
nye onyia ɔweɔn, na osie ne ntar,
amma ɔaanantsew adagyaw na
woeennhu n'ahoto.

Ndwuma 1:11

Na wɔkæ so de, Galilee mba-
rimba, ɔye dɛn na hom gyina ro-
hwe sor yi? Jesus yi ara a wɔafɑ
no efi hom nkyen kɔ sor yi, ɔbe-
ba demara de hom ehu de ɔroko
sor yi.

Matthew 16:27

Na nyimpa Ba no dze n'Egya
n'enyimnyam nye n'abɔfoe bεba;
na aber no na obotua nyimpa nyi-
na kaw de mbre hɔn ndzeyεε tse.

NYANKOPON N'ASEM

Mma hom mmfa hwee nnkā asem a merehyε hom yi ho, nkyii so mma hom nyi do bi, na hom eedzi Ewuradze hom Nyankopon mbransem a merehyε hom yi do. –Deuteronomy 4:2

Ewuradze, daapem, Na w'a-sem etsim sor hɔ.

–Ndwom 119:89

Kyerewsem biara fi Nyame ahom mu, na oye ma nkyerε-kyerε, nkaenyim, ntsēa, nye tse-nenee mu ntsetsee.

–2 Timothy 3:16

W'asem ye kandzea ma m'an, Na kan ma mo kwan.

–Ndwom 119:105

W'asem na medze mahyε m'a-koma mu, Amma maannyε bɔn enntsia wo. –Ndwom 119:11

Na Jesus buae see hɔn dε, Hom fom do, hom nnyim kyere-wnsem nye Nyankopon ahoo-dzen ntsi. –Matthew 22:29

ɔsor nye asaase botwa mu akɔ; na me nsem dze, woruntwa mu akɔ. –Luke 21:33

Na nkɔnhyε bi nnduaa nyim-pa pε do mmbaa pen: na nyimpa fi Nyame mu kasaa de mbrε Sunsum Krɔnkrɔn kāa hɔn.

–2 Peter 1:21

Scripture text reprinted from the Bible in Fante © 1957 by permission of United Bible Societies Africa Regional Centre, Nairobi, Kenya.

Published in numerous languages by World Missionary Press, Inc., as God supplies funds in answer to prayer. **For questions or more information by country, visit: www.wmp-contacts.org**



World Missionary Press
PO Box 120
New Paris, IN 46553-0120 USA
www.wmpress.org

Read booklets online or by App
www.wmp-readonline.org